



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-25258-7/21
Sarajevo, 25.06.2021. godine

SKUPŠTINA KANTONA SARAJEVO
n/r Predsjedavajućeg

PREDMET: Informacija u vezi sa zastupničkim pitanjem u Skupštini Kantona Sarajevo, zastupnice Danijele Kristić, dostavlja se

Zastupnica Danijela Kristić na 38. Radnoj sjednici Skupštine Kantona Sarajevo, održanoj 17.06.2021. godine, u skladu sa čl. 211. i 214. Poslovnika Skupštine Kantona Sarajevo, uputila je zastupničko pitanje Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured), a koje glasi:

„Molim Vas da u okviru Vaših nadležnosti provjerite postupak javne nabavke ugovornog organa JU „Apoteke Sarajevo“, objavljen dana 21.10.2020.g., sa naročitom pažnjom na to da li su ispunjeni uslovi propisani Zakonom o javnim nabavkama BiH, a koji se odnose na pregovarački postupak bez objave obavještenja.

1. Da li je ispoštovan čl. 21. i 28. Zakona o javnim nabavkama BiH. Tačnije da li su ispoštovani uslovi navedeni u istom, a koje je potrebno ispuniti da bi se mogao sprovesti pregovarački postupak shodno zakonu o javnim nabavkama.
2. Da li je ispoštovana odredba čl. 39. stav.2. Zakona o javnim nabavkama BiH. Naime uvidom u internet stranicu JU „Apoteke Sarajevo“ utvrđeno je da je dana 16.10.2020. godine (petak) donesena i objavljena obavijest o namjeri provođenja pregovaračkog postupka, a da je već dana 21.10.2020. godine (srijeda) JU „Apoteke Sarajevo“ objavila tendersku dokumentaciju za nabavku roba - primarne ambalaže za potrebe apoteka, pod brojem 03-06-3018/20, te da je isti zatvorena već dana 28.10.2020. godine (srijeda).
3. Kao i u konačnici da li je JU „Apoteke Sarajevo“ poštovala odredbe čl.42. Zakona o javnim nabavkama BiH, a koji se odnose na sprovođenje pregovaračkog postupka bez objave obavještenja.“

U vezi sa navedenim zastupničkim pitanjem, informišemo Vas da je Ured izvršio uvid na internet stranice JU „Apoteke Sarajevo“ i Vlade Kantona Sarajevo, te na osnovu dostupne dokumentacije konstatovao sljedeće:



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,

Sarajevo, Reisa Džemaludina Čauševića 1



JU „Apoteke Sarajevo“ je na svojoj internet stranici objavila obavijest o namjeri provođenja pregovaračkog postupka bez objave obavještenja sa dva ponuđača, za nabavku primarne ambalaže za potrebe apoteka, u skladu sa čl. 21. stav (1) tačka a) i čl. 28. Zakona o javnim nabavkama („Službeni glasnik BiH“ broj: 39/14), broj: 01-03-3008/20 od 16.10.2020. godine. U obavijesti se navodi da će Ugovorni organ JU „Apoteke Sarajevo“ na web stranici www.apoteke-sarajevo.ba objaviti i tendersku dokumentaciju za predmetnu nabavku.

Zakon o javnim nabavkama u članu 28., stav (4) propisuje: „Ugovorni organ objavljuje na svojoj internetskoj stranici informacije o pregovaračkom postupku bez objave obavještenja o nabavci koji namjerava provoditi na način da će tendersku dokumentaciju učiniti dostupnom za sve zainteresirane kandidate/ponuđače”.

U odluci o pokretanju pregovaračkog postupka sa dva ponuđača bez objave obavještenja, broj: 03-06-3005/20 od 16.10.2020. godine, koja se nalazi na portalu <http://jn.ks.gov.ba/>, kao razlog za provođenje predmetne nabavke po pregovaračkog postupka bez objave obavještenja JU „Apoteke Sarajevo” navode da: „**Pregovaračkog postupka bez objave obavještenja na osnovu člana 21. Stav (1) tačka a) i člana 28. ZJN provodi se iz razloga što je ovaj ugovorni organ proveo otvoreni postupak za nabavku primarne i sekundarne ambalaže, podjeljen na tri LOT-a. Za LOT 1- Nabavka primarne ambalaže za potrebe apoteka, u gore navedenom postupku (Obavještenje o nabavci broj: 806-1-1-21-3-12/20) ovaj ugovorni organ nije zaprimio niti jednu ponudu**”.

Zakona o javnim nabavkama u članu 21. propisuje da Ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci, a jedan od slučajeva u kojima to može propisan je u istom članu, stav (1) tačka a), koji glasi: „**kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni u odnosu na uslove iz prethodnog postupka**”.

JU „Apoteke Sarajevo“ je 16.10.2020. godine objavila obavijest o namjeri provođenja pregovaračkog postupka bez objave obavještenja na svojoj internet stranici, tendersku dokumentaciju 21.10.2000. godine, a u istoj je rok za dostavljanje ponuda bio 28.10.2020. godine.

Kada je u pitanju član 39., stav 2. Zakona o javnim nabavkama, isti propisuje da „**rok za prijem ponuda u ograničenom i pregovaračkom postupku sa i bez objave obavještenja računa se od dana upućivanja poziva za dostavu ponuda kvalificiranim kandidatima**”, dok član 42. ovog zakona propisuje da „**ostale rokove u pregovaračkom postupku sa i bez objave obavještenja, takmičarskom dijalogu i u konkursu za izradu idejnog rješenja definira ugovorni organ na način da kandidati/ponuđači na koje se ti rokovi odnose imaju dovoljno vremena za preduzimanje odgovarajućih radnji i pripremu ponuda, u zavisnosti od složenosti predmeta nabavke**”.

Ranije citirane odredbe ne preciziraju rokove.

Shodno ranije navedenom, **Ured na osnovu dostupne dokumentacije vezane za predmetnu javnu nabavku, u dijelu koji se odnosi na zastupnička pitanja nije utvrdio nepravilnosti.**

S poštovanjem,

PO OVLAŠTENJU ŠEFA UREDA

Faruk Šahbegović

Dostaviti:

- Naslovu



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,

Sarajevo, Reisa Džemaludina Čauševića 1



- Stručnoj službi Vlade Kantona Sarajevo
- a/a



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,
Sarajevo, Reisa Džemaludina Čauševića 1

